



EUA Intrega Motorizadas Kawasaki 15 ba PNTL no Ekipamentu Testu Droga

Husi: Triponio Marques

DILI: Governu Estadu Unidus Amerika (EUA) intrega ona Motorizadas ho modelu Kawasaki hamutuk 15 ba Polisia Nasional Timor-Leste (PNTL) hodi fasilita tan serbisu polisia nian iha terenu.

Aliende ne'e, intregamós ekipamentu sira seluk hanesan ekipamentu ba hadi'a motorizada hamutuk kaixa rua (2), endoscopes tolu (3), Telescopic tolu (3), no ekipamentu identifikasaun droga hamutuk kaixa 12.

Ekipamentu hirak ne'e, Governu EUA intrega liu husi nia Embaxadora ba Timor-Leste Karen Stanton, horsehik, iha Kuartel Jerál PNTL, Kaikoli.

Hafoin entrega, Segundu Komandante Polisia Nasional Timor-Leste, Komisariu Afonso de Jesus hatete, iha tinan kotuk EUA fornese ona ekipamentus balun, komputador 13 no karetu tolu.

"Agora sira mós fô ona apoiu balun hanesan treinamentu balun hahú husi tinan kotuk sira fô formasaun husi UNODC sira mak fô formasaun



ENTERGA MOTORIZADA: Embaixadora Estadu Unidus Amerika (EUA), Karen Stanton, entrega simbolikamente motorizada Kawasaki 15 ba Segundu Komandante PNTL, Komisariu Afonso de Jesus iha Kuartel Jeral PNTL, Kaikoli-Dili, Tersa (03/02).

FOTO: INDEPENDENTE/Triponio Marques

ba iha Polisia Fronteira hodi hasa'e tan sira nia koñesementu no kapasidade halo nusa mak

atu bele kontrola droga, tanba droga ne'e la'os issu nasional, maibé issu global iha mundu

hotu-hotu," hateten Komisariu Afonso iha Kuartel Jeral PNTL, Kaikoli-Dili horsehik.